



Broj: 05-34-2-947-1/17
Sarajevo, 10.10.2017. godine

- **Institucije Bosne i Hercegovine**

PREDMET: Informacija o postupanju kod primjene člana 28a. Zakona o državnoj službi u institucijama BiH, dostavlja se.-

Članom 28a. Zakona o državnoj službi u institucijama BiH ("Službeni glasnik BiH", br. 19/02, 35/03, 4/04, 26/04, 37/04, 48/05, 2/06 i 32/07, 43/09, 8/10 i 40/12), (u daljem tekstu: Zakon), u stavu 1., propisan je način popunjavanja upražnjenih radnih mjesta državnih službenika na određeno vrijeme koje je, u skladu sa potrebama službe, neophodno hitno popuniti u slučajevima kada interna popuna radnog mjesta nije moguća. Predviđeno je da se u tim slučajevima radno mjesto može popuniti zapošljavanjem lica u skladu sa Zakonom o radu u institucijama BiH ("Službeni glasnik BiH", br. 26/04, 7/05, 48/05, 60/10 i 32/13), u statusu zaposlenika. U stavu 2. istog člana zakona je utvrđeno da radni odnos na određeno vrijeme može trajati najduže devet mjeseci, osim u slučaju bolovanja ili porodijskog odsustva, ali ne duže od dvije godine. Takođe, u stavu 3. člana 28a. Zakona propisano je da je institucija obavezna zatražiti saglasnost za popunu radnog mjesta, u skladu sa ovim članom. Zakonom o radu u institucijama BiH, u članu 9. stav 1. tačka c) decidno je određeno da se javni oglas za prijem u radni odnos **ne raspisuje za prijem u radni odnos zaposlenika na određeno vrijeme do tri mjeseca, kada zbog hitnosti obavljanja posla, iznenadnog povećanja obima posla i iznenadnog odsustva zaposlenika nije moguće pravovremeno provesti javni oglas.**

Savjet ministara BiH je na 57. sjednici, održanoj dana 23.05.2016. godine pojasnio zaključke donesene na 54. i 55. sjednici, te je zaključeno da nije potrebno pribavljanje saglasnosti Savjeta ministara BiH radi popune upražnjenih ili novih radnih mjesta u taksativno nabrojanim slučajevima.

Međutim, uočeno je da institucije BiH, nakon proteka roka od tri mjeseca od davanja saglasnosti ove Agencija za zaključivanje ugovora o radu na određeno vrijeme, podnose ponovo zahtjeve za davanje saglasnosti po istom osnovu za ista radna mjesta i sa istom osobom i to na period od tri mjeseca. S obzirom da, kako smo već naveli, i Zakon o državnoj službi i Zakon o radu u institucijama BiH kao razlog za takvu popunu radnih mjesta ističu hitnost, nejasno nam je o kakvoj hitnosti se radi u konkretnim slučajevima, a u odnosu na sve navedene zakonske odredbe koje su već primjenjene.

U cilju zakonitog postupanja u vezi primjene člana 28a. Zakona, Agencija neće davati saglasnosti na nove zahtjeve za zaključivanje ugovora o radu na određeno vrijeme do tri mjeseca na istom radnom mjestu i sa istom osobom, a za koje je Agencija već ranije dala saglasnost i došlo je do realizacije takvog

radnog odnosa, ukoliko institucije u svom zahtjevu ne obrazloži, odnosno uz svoj zahtjev ne dostavi dokaz da je za predmetno radno mjesto raspisan javni oglas ili je isti u fazi raspisivanja. Ukoliko je, pak, institucija uputila zahtjev Savjetu ministara BiH za popunjavanjem konkretnog radnog mjesta, te im nije odgovoreno u propisanom roku i do momenta upućivanja zahtjeva Agenciji, institucija je u obavezi da uz sam zahtjev Agenciji dostavi i dokaz o da je tražena saglasnost Savjeta ministara BiH, a odgovor nije dobijen u zakonskom roku, kako bi Agencija na temelju obrazloženja iz zahtjeva institucije razmotrila eventualno ponovno davanje saglasnosti u skladu sa članom 28a. stav 2. Zakona. U slučaju da u međuvremenu Savjet ministara BiH odbije zahtjev institucije za raspisivanje javnog oglasa, Agencija neće uopšte razmatrati ponovno davanje tražene saglasnosti. Sugerišemo institucijama da prije upućivanja svakog pojedinačnog zahtjeva Agencije takođe upute i urgencije za svoje zahtjeve, kako bi se slučajevi popunjavanja upražnjenih radnih mjesta efikasnije rješavali.

Dostavljeno:

- naslovu
- arhiva



DIREKTOR

Neven Akšamija
Neven Akšamija